

From: UUM CORPORATE COMM.
Sent: Sunday, June 2, 2019 2:15 PM
To: UUM - All Staff; UUM - All Students
Subject: JKJR Dan Kelab Logtrans Lancar Kempen Selamat Balik Kampung



UUM Corporate Comm.
Universiti Utara Malaysia

02 JUN 2019 / 28 RAMADAN 1440H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar oleh: Muhammad Shamsul Shafie

JKJR DAN KELAB LOGTRANS LANCAR KEMPEN SELAMAT BALIK KAMPUNG



UUM ONLINE: Kempen keselamatan jalan raya sempena Aidilfitri menyeru pengguna jalan raya supaya mengawal kelajuan dan pandu dengan selamat semasa pulang ke kampung halaman untuk menyambut hari raya yang bakal menjelang tidak lama lagi.

Timbalan Naib Canselor (Penyelidikan dan Inovasi), Prof. Dr. Ayoib Che Ahmad berkata, kempen yang dianjurkan oleh Kelab Logistik dan Pengangkutan (Logtrans) STML dengan kerjasama Jabatan Keselamatan Jalan Raya (JKJR) memberikan pendedahan berguna kepada warga kampus semasa pulang berhari raya.

Jelasnya, program Keselamatan Jalan Raya adalah platform untuk meningkatkan kesedaran kepada para pemandu mengenai keselamatan jalan raya semasa Hari Raya Aidilfitri.

"Program ini memberikan info tentang keselamatan dan menggalakkan orang ramai untuk mengikut peraturan di jalan raya semasa musim perayaan dalam keadaan aliran trafik yang meningkat.

“Kita perlu mematuhi semua peraturan yang ditetapkan misalnya mengawasi had laju, memahami tanda jalan dan mengamalkan sikap berhemah di atas jalan raya demi kebaikan bersama,” tambahnya.

Sementara itu, Pengarah Jabatan Keselamatan Jalan Raya (JKJR) Negeri Kedah, Chan Pei Hong menzahirkan ucapan terima kasih atas peluang yang diberikan untuk berkumpul di UUM sempena *Hari Raya Aidilfitri Road Safety Campaign: Watch Your Speed, Drive Home Safely*.

“Peringatan seumpama ini penting bagi semua pengguna jalan raya demi keselamatan bersama serta mengurangkan bilangan kadar kemalangan jalan raya terutamanya di musim perayaan ini.

“Setinggi-tinggi penghargaan kepada semua pihak dan ahli jawatankuasa yang komited menjayakan acara ini dan JKJR mengucapkan selamat hari raya dan selamat balik kampung,” luahnya.

Sejurus selepas perasmian, semua jemputan menuju ke pintu pagar utama untuk mengedarkan beg cenderamata serta *sticker* keselamatan jalan raya kepada warga kampus yang rata-ratanya bakal pulang ke kampung halaman masing-masing.

Pengarah Projek, Lish Arcena Guruswamy berharap program ini meningkatkan kesedaran pemandu mengenai keselamatan jalan raya misalnya tingkah laku pemandu yang lebih selamat di jalan raya.

Di samping itu, mereka akan memandu dengan cara yang lebih selamat dan mematuhi semua peraturan sekali gus mengurangkan tragedi berdarah di jalan raya.

“Buatlah persediaan sebaiknya, pastikan kenderaan dalam keadaan baik sebelum meneruskan perjalanan jauh, hati-hati di jalan raya, pulanglah dengan selamat kerana ibu ayah dan keluarga tersayang telah menunggu di kampung halaman untuk menyambut Aidilfitri,” pesannya.

Lish teruja dapat mendidik orang ramai supaya mematuhi peraturan di jalan raya dan membina rangkaian dengan JKJR selain mendapat banyak pengalaman ketika menyiapkan tugas ini.



Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.